



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XLII. De Lectoribus Monachorum S. Hieronymi Lombardiæ ad Prioratus
promovendis.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

passiva vocis, ac Dignitatum, Officiorum, & administrationum, quorumcumque, inhabilitatiffique ad illa, & alia in posterum obtinenda, carcerisque mancipationem unius anni in cuius omnibus quartis, & sextis feriis disciplinas in Capitulo suscipiant, & in Refectorio panem, & aquam tantummodo in terra manducent penas, ad quas incurrendas solæ appellationum interpositiones, ac literæ, aliaque contra tenorem huiusmodi attentata ubique tam in Iudicio, quam extra fidem faciant, eo ipso incurrisse, & incurere declaramus, pœnasque huiusmodi a Nobis tantum, & Romanis Pontificibus remittendas contra eos irremissibiliter infligimus, & promulgamus, Mandantes in virtute Sanctæ Obedientiæ universis, & singulis Archiepiscopis, Episcopis, & aliis Ecclesiarum Prælati, seu ut præfertur, in Ecclesiastica Dignitate constitutis, & aliis personis Ecclesiasticis, ut prædictæ Congregationis quiete illius Religiosos quoscumque ad eos forsitan recurrentes contra præmissa delinquentes eorum Superioribus puniendos relinquunt, nec illis aliquo modo contra earumdem præsentium tenorem favcant, aut delinquendi occasionem præbeant. Reges autem, Duces, & Principes temporales paterne in Domino hortantes, ut qui libertatem Ecclesiasticam, & Religiosorum quietem tamquam Catholici Principes tueri tenentur huius Congregationis prosperum, & pacificum statum, qui ex præmissorum occasione maxime pendet, conservari curent, & studeant. Decernentes insuper præsentem Literas, nullo unquam tempore de subreptionis, vel obreptionis vitio aut intentionis Nostræ, vel quocumque alio defectu, notari, impugnari, vel redargui posse, neque sub quibusvis similibus, vel dissimilibus Literarum revocationibus, suspensionibus, limitationibus, aut contrariis dispositionibus comprehendendi, sed semper, & perpetuo validas, & efficaces existere, suosque plenos, & integros effectus sortiri, & obtinere: Sicque per quoscumque Iudices Ordinarios, & Delegatos, & Casuarum Palatii Apostolici Auditores, ac S. R. E. Cardinales, ac alios ad quos spectat, sublata eis, & eorum cuilibet quavis aliter iudicandi & interpretandi facultate, & auctoritate, iudicari, & definiti debere; ac irritum, & inane quicquid secus super his a quoquam quavis auctoritate scienter, vel ignoranter contigerit attentari. Quocirca Dilecto filio Abbati, & Reformatori Generali Congregationis prædictæ nunc, & pro tempore existenti per præsentem committimus, & mandamus, quatenus præmissa omnia statim post præsentium susceptionem in Congregatione prædicta, & in omnibus eius utriusque sexus Monasteriis publicari, eaque omnia tam per se, quam per Visitatores Ordinarios, omnesque alios inferiores ejusdem Congregationis Prælatos ab omnibus utriusque sexus ejusdem Congregationis Regularibus personis inviolabiliter observari faciat. Contradictores, & inobedientes supradictis & aliis pœnis juxta ejusdem Congregationis regularia Statuta, aliisque opportunis Juris, & facti remediis, appellatione omnino postposita compescendo. Non obstantibus quibusvis Apostolicis, ac in universalibus, Provincialibus, ac Synodalibus Conciliis editis generalibus, vel specialibus Constitutionibus, & Ordinationibus, ac quibuscumque Statutis, & consuetudinibus, etiam juramento, confirmatione Apostolica, vel quavis firmitate alia roboratis Statutis; Privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, approbatis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, & ad verbum expressa mentio habenda esset, tenores huiusmodi, ac si ad verbum infererentur, præsentibus

pro expressis habentes hac vice dumtaxat specialiter, & expresse derogamus, cæterisque contrariis quibuscumque. Volumus autem, quod præsentem Literam inter Statuta, & diffinitiones ejusdem Congregationis perpetuo observandæ describantur; & eorum transumptis etiam impressis manu Secretarii dictæ Congregationis, aut alicujus Notarii publici, necnon sigillo ipsius Congregationis, vel alicujus Personæ in Dignitate Ecclesiastica constitutæ obsignatis, indubia ubique in Iudicio, & extra æque, ac præsentibus ipsis fides adhibeatur. Datum Romæ apud Sanctum Marcum sub Annulo Piscatoris die 22. Augusti 1592. Pontificatus Nostri Anno Primo.

§. 2. Cum autem, sicut dilecti filii Monachi Congregationis præfatæ in Regno Portugalliæ Nobis nuper exponi fecerunt, ipsi præmissa, quo firmius subsistant, & inviolabiliter serventur, Apostolicæ confirmationis Nostræ robore communiti summopere desiderent. Nos specialem ipsis exponentibus gratiam facere volentes, & eorum singulares personas a quibusvis excommunicationis, suspensionis, & Interdicti, aliisque Ecclesiasticis sententiis, censuris, & pœnis a Jure, vel ab homine quavis occasione, vel causa latis, si quibus quomodolibet innodata existunt, ad effectum præsentium dumtaxat consequendum, harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinatis, præfatis Clementis Prædecessoris Literas cum omnibus, & singulis in eis contentis auctoritate Apostolica tenore præsentium confirmamus, & approbamus, ac innovamus, illisque inviolabilis Apostolicæ firmitatis robur adjicimus.

§. 3. Decernentes easdem præsentem Literas, semper firmas, validas, & efficaces, existere & fore, suosque plenarios, & integros effectus sortiri, & obtinere, ac illis, ad quos spectat, & pro tempore quocumque spectabit in omnibus, & per omnia plenissime suffragari, & ab illis respective inviolabiliter, & inconcussè observari. Sicque in præmissis per quoscumque Iudices Ordinarios, & delegatos, etiam casuarum Palatii Apostolici Auditores, iudicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus Constitutionibus, & Ordinationibus Apostolicis, necnon omnibus, & singulis illis, quæ in præfatis Clementis Prædecessoris Literis concessa sunt non obstat, cæterisque contrariis quibuscumque.

§. 5. Volumus autem, ut præsentium Literarum transumptis, seu exemplis, etiam impressis manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides habeatur, in Iudicio, & extra illud, quæ haberetur ipsis præsentibus, si forent exhibitæ, vel ostensæ.

Datum Romæ apud Sanctam Mariam Majori sub Annulo Piscatoris die XXIV. Martii MDCXCIV. Pontificatus nostri Anno Tertio.

Confirmatur Decretum Congregationis Epif. & Reg. de Lectoribus Monachorum Eremitarum S. Hieronymi Lombardiæ post 12. annos ad Prioratus Titulares promovendis.

De electione Priorum aliorumque extat Greg. XIII. Const. ed. 1574. Maji 26. P. 3. Et hujus Pontificis Const. ed. 1695. Jan. 19. P. 4.

Preces Monachorum Regni Portugalliæ.

Confirmatio relatæ Constitutionis.

Clausula.

XLII.

1694.
Dat. 3. April.
1694. An. 3.

INNOCENTIUS PAPA XII.

Ad futuram rei memoriam.

Id determi-
natum fuerat
a Capitulo
Gener. 1676.
& confirma-
tum a d. Con-
gregatione.

Nuper pro parte dilectorum filiorum Euphemiani Volpini a Placentia, & Petri Hieronymi Coquicomi a Mediolano Monachorum expresse professorum Congregationis Eremitarum Sancti Hieronymi Lombardiae, & Lectorum, Congregationi Venerabilium fratrum Nostrorum S. R. E. Cardinalium negotiis, & Consultationibus Episcoporum, & Regularium praeposita exposito, quod alias nempe anno 1676. in Capitulo Generali dictae Congregationis Monachorum speciale quoddam Decretum ad favorem Monachorum Lectorum editum fuerat pro eis, qui in Civitatibus duodecim annorum spatio legissent, & ad id studium adjuncto Sacrae Scripturae studio, duodecim publicas Cathedras Magistrales sustinissent, concedebatur, ut Priores titulares existerent eodem modo, quo alias a fel. record. Clemente Papa X. Praedecessore Nostro Monachis Congregationis praedictae, qui Prioris Generalis ipsius Congregationis Officium laudabiliter exercuissent, indultum fuerat, ut absoluto Officio hujusmodi Priores pariter Titulares existerent, & declarati intelligerentur; verum tamen subinde, videlicet die 16. Decembris 1678. Decretum hujusmodi a memorata Congregatione Cardinalium confirmatum, ejusque observantia Superioribus pro tempore existentibus supra dictae Congregationis strictissime injuncta fuissent, prout in Decreto ab eadem Congregatione Cardinalium desuper emanato uberius dicebatur contineri; nihilominus postmodum, nempe in alio Capitulo Generali ejusdem Congregationis anno 1682. celebrato Decretum Capitulari praefatum a Dissinitoribus ipsius Capituli, nesciebatur qua ratione revocatum fuerat; ac cum subinde eidem Congregationi Cardinalium pro simili Decreti hujusmodi revocatione obtinenda supplicatum fuisset, ipsa Congregatio Cardinalium rei gravitate perpensa, nihil desuper absolute decreverat; sed rem ipsam per suum Decretum, similiter remisit tunc in humanis agenti Paulo ejusdem S. R. E. dum vixit, Cardinali Sabello nuncupato praefatae Congregationis Monachorum apud Sedem Apostolicam Protectori, qui subinde per quandam suam die 5. Augusti 1682. scriptam Epistolam tunc existenti Abbati Generali dictae Congregationis Monachorum se quidem praefatae Congregationi Cardinalium pro abolitione supra dicti Decreti Capitularis retulisse; sed nihil ab ea desuper resolutum fuisse; ac proinde nec a se, nec ab ipsa Congregatione Cardinalium Decretum ullum memorati Decreti Capitularis abrogatorium editum fuisse significaverat. Ideoque pro parte eorundem Euphemiani, & Petri Hieronymi asserentium se qualitatibus vigore dicti Decreti Capitularis requisitis praeditos esse, & inde ipsam eorum Congregationem desiderare, ut ipsi tanquam de ea benemeriti Prioratus Titulo decorarentur, eidem Congregationi Cardinalium supplicato, ut antequam Dieta pro eorum promotione convocaretur, primodictum Decretum supra dicti Decreti Capitularis confirmatorium a praefata Cardinalium Congregatione, sicut praemittitur, emanatum, ad eorum favorem approbare, & confirmare dignaretur; emanavit ab ipsa Congregatione Cardinalium Decretum tenoris sequentis videlicet: Sacra Congregatio Eminentissimorum, & Reverendissimorum Cardinalium, negotiis, & consultationibus Episcoporum, & Regularium praeposita, audito Patre Priore Generali praedicti Ordinis, & attentis narratis, censuit, ac decrevit, servandum esse Decretum primum Capituli Generalis, ab eadem Sacra Congregatione die 16. Decembris anni 1678. confirmatum, prout

Decretum
Congrega-
tionis.

praesentis Decreti vigore servari mandavit, quibuscumque in contrarium non obstantibus. Romae 18. Decembris 1693.

§. 1. Cum autem sicut memorati Euphemianus, & Petrus Hieronymus Nobis subinde exponi fecerunt, ipsi Decretum hujusmodi quo firmius subsistat, & servetur exactius Apostolica confirmationis Nostrae patrocinio communiri summo-pere desiderent; Nos ipsos Euphemianum, & Petrum Hieronymum specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatae existunt ad effectum praesentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, Decretum praesentem auctoritate Apostolica tenore praesentium confirmamus, & approbamus, illique inviolabilis Apostolicae firmitatis robur adjicimus: salva tamen semper in praemissis auctoritate memoratae Congregationis Cardinalium.

§. 2. Decernentes easdem praesentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac dictis Euphemiano, & Petro Hieronymo, aliisque, ad quos spectat, & pro tempore spectabit in omnibus, & per omnia plenissime suffragari, & ab eis respective inviolabiliter observari; sicque in praemissis per quoscumque Judices Ordinarios, & Delegatos, etiam Caesarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ac quatenus opus sit dictae Congregationis Monachorum, etiam jramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores praesentibus pro expressis, ac de verbo ad verbum insertis habentes, illis alias in suo robore permanentibus ad praemissorum effectum hac vice dumtaxat specialiter, & expresse derogamus, caeterisque contrariis quibuscumque.

Datum Romae apud Sanctam Mariam Majorem sub Annulo Piscatoris die III. Aprilis MDCXCIV. Pontificatus nostri Anno Tertio.

Extenduntur binae Constitutiones de abrogandis Discretis pro Capitulis FF. Capuccinorum ad alias Provincias Aragoniae, Valentiae, Cathalauniae, Sardiniae, & Majoricae.

XLIII.

Harum Constitutionum prima ed. fuit 1693. Mar. 29. P. 3. altera vero 1693. Sept. 12. P. 3. Et Const. ed. 1696. Aug. 14. P. 6. agitur de iis, qui sunt loco Discretorum abrogatorum.

INNOCENTIUS PAPA XII.

Ad futuram rei memoriam.

Alias pro parte Charissimi in Christo Filii Nostri Caroli Hispaniarum Regis Catholici Nobis exposito, quod tam praedictorum, & Minorum S. Francisci de Observantia nuncupatorum, quam aliorum diversorum Ordinum Fratres in Regnis utriusque Castellae existentes sua Capitula Provincialia cum interventu Superiorum Localium Conventuum Ordinum hujus-

Preces Le-
ctorum.

Confirmatio
relati De-
creti.

Clausula.

Dat. 5. April.
1694. An. 3.

In prima
Constitutio-
ne abrogati
fuerunt discreti
utriusque Cas-
tellae.